

湘綺樓全書

湘綺樓全書

五言律體詩卷第一

唐詩選第三

長沙湘潭王閬運字壬父撰

序目

太宗詩七首 中宗一首 元宗三首 肅宗一首

徐賢妃一首 上官昭容三首 袁朗一首 褚

亮二首 虞世南一首 王績一首 杜之松一首

陳子良一首 馬周一首 李百藥一首 王勃

一十五首 楊炯二首 盧照鄰六首 駱賓王十

首 喬備一首 陳子昂九首 劉希夷一首 杜

審言一十四首 李乂二首 盧藏用一首 蘇味

道一首 劉憲一首 張循之一首 張諤一首

李澄之一首 趙彥昭一首 鄭愔四首 宋之問

二十二首 劉允濟一首 徐彥伯二首 蘇綰一

首 沈佺期一十二首 張說六首 崔湜三首

姚崇一首 蘇頌三首 張九齡二十七首 李嶠

六首 郭震一首 尹忭二首 趙冬曦一首 王

熊二首 賀知章一首 張均二首 徐安貞二首

丁仙芝二首 殷遙二首 徐延壽一首 王灣

二首 張子容一首 萬齊融一首 孫逖七首

崔國輔二首 崔顥二首 綦毋潛四首 李頎六首

祖詠六首

王昌齡六首 常建六首 盧僎一首 李疑一

首 王諲一首

右錄六十六人詩二百三十三首

齊魯六十八人詩三首

首王臨子首

王臨子首

王臨子首

王臨子首

太宗文皇帝李世民詩七首

儀鸞殿早秋

寒驚薊門葉，秋發小山枝。
松陰背日轉，竹影避風移。
提壺菊花岸，高興芙蓉池。
欲知涼氣早，巢空燕不窺。

賦得白日半西山

紅輪不暫駐，烏飛豈復停。
岑霞漸漸落，溪陰寸寸生。
藿葉隨光轉，葵心逐照傾。
晚烟含樹色，棲鳥雜流聲。

傷遼東戰亡

鑿門初奉律，仗劍始臨戎。
振鱗方躍浪，騁翼正陵風。
未展六奇術，先虧一簣功。
防身豈乏智，殉命有餘忠。

秋日

菊散金風起，荷疎玉露圓。
將秋數行雁，離夏幾林蟬。
雲凝愁半嶺，霞碎纈高天。
還似成都望，直見峨眉前。
爽氣澄蘭沼，秋風動桂林。
露凝千片玉，菊散一叢金。
日岫高低影，雲空點綴陰。
蓬瀛不可望，泉石且娛心。

守歲

暮景斜芳殿，年華麗綺宮。
寒辭去冬雪，煖帶入春風。
階馥舒梅素，盤花卷燭紅。
共歡新故歲，迎送一宵中。

詠桃

禁苑春暉麗，花蹊綺樹妝。
綴條深淺色，點露參差光。
向

日分千笑迎風共一香如何仙嶺側獨秀隱遙芳

中宗孝和皇帝李顯詩一首

幸秦始皇陵

眷言君失德驪邑想秦餘政煩方改篆愚俗乃焚書阿
房久已滅閣道遂成墟欲厭東南氣翻傷掩鮑車

元宗明皇帝李隆基詩三首

經鄒魯祭孔子而歎之

夫子何爲者栖栖一代中地猶鄒氏邑宅卽魯王宮歎
鳳嗟身否傷麟怨道窮今看兩楹奠當與寢時同

送賀知章歸四明

并序

天寶三年太子賓客賀知章鑒止足之分抗歸老之
請解組辭榮志期入道朕以其年在遲暮用循挂冠
之事俾遂赤松之游正月五日將歸會稽遂餞東路
乃命六卿庶尹大夫供帳青門寵行邁也豈惟崇德
尚齒抑亦厲俗勸人無令二疏獨光漢冊乃賦詩贈
行

遺榮期入道辭老竟抽簪豈不惜賢達其如高尚心
寰中得祕要方外散幽襟獨有青門餞羣僚悵別深

送元同真人李抱朴謁瀟山仙祠

城闕天中近蓬瀛海上遙歸期千載鶴春至一來朝采

藥逢三秀餐霞臥九霄參同如有旨金鼎待君燒

肅宗宣皇帝李亨詩一首

賜黎李泌與諸王聯句

穎王璣信王瑋驪益王某

先生年幾許顏色似童兒夜抱九仙骨朝披一品衣不
食千鍾粟唯餐兩顆梨天生此間氣助我化無爲

太宗充容贈賢妃徐惠詩一首

秋風函谷應詔

秋風起函谷勁氣動河山偃松千嶺上襍雨二陵間低
雲愁廣隰落日慘重關此時飄紫氣應驗真人還

中宗昭容上官婉兒詩三首

綵書怨

葉下洞庭初思君萬里餘
露濃香被冷月落錦屏虛
欲奏江南曲貪封薊北書
書中無別意惟悵久離居
游長甯公主流杯池

暫爾游山第淹留惜未歸
霞窗明月滿澗戶白雲飛
書引藤爲架人將薜作衣
此真攀玩所臨睨賞光暉
放曠出烟雲蕭條自不羣
漱流清意府隱几避蹒氛
石畫妝苔色風梭織水文
山室何爲貴唯餘蘭桂薰

給事中長安袁朗詩一首

秋夜獨坐

危弭斲客心虛彈落驚禽新秋百慮淨獨夜九愁深枯
蓬唯逐吹墜葉不歸林如何悲此曲坐作白頭吟

散騎常侍陽翟縣侯謚康錢塘褚亮字希明詩二首
詠花燭

蘭逕香風滿梅梁煖日斜言是東方騎來尋南陌車
星臨夜燭睂月隱輕紗莫言春稍晚自有鎮開花
在隴頭哭潘學士

隴底嗟長別流襟亦慟君何言幽咽所更作死生分轉
蓬飛不息悲松斲更聞誰能駐征馬回首望孤墳

秘書監謚文懿餘姚虞世南字伯施詩一首

侍宴應詔賦韻得前字

芬芳禁林晚容與桂舟前橫空一鳥度照水百花然綠
野明斜日青山澹晚烟濫陪終宴賞握管類窺天

太樂丞龍門王績字無功詩一首

野望

東臯薄暮望徙倚欲何依樹樹皆秋色山山唯落暉牧
人驅犢返獵馬帶禽歸相顧無相識長歌懷采薇

河中刺史曲阿杜之松詩一首

和衛尉寺柳

漢將本屯營遼河有戍城大夫曾取姓先生亦得名高

枝拂遠雁疎影度遙星不辭攀折苦爲入管弭聲

太子學士吳陳子良詩一首

入蜀秋夜宿江渚

我行逢日暮弭櫂獨維舟水霧一邊起風林兩岸秋山
陰黑斲磧月影素寒流故鄉千里外何以慰羈愁

中書令荏平馬周字賓王詩一首

凌朝浮江旅思

太清上初日春水送孤舟山遠疑無樹潮平似不流岸
花開且落江鳥沒還浮羈望傷千里長歌遣四愁

太子右庶子謚康安平李百藥字重規三首

送別

春言一杯酒悽愴起離憂
夜花飄露氣暗水急還流
雁行遙上月蟲聲迴映秋
明日河梁上誰與論仙舟
戲贈潘徐城門迎兩新婦

秦晉稱舊匹潘徐有世親
三星宿已會四德婉而嬪
雲光鬢裏薄月影扇中新
年華與妝面共作一芳春

火鳳詞

歌聲扇後出妝影鏡中輕
未能令掩笑何處欲障聲
知音自不惑得念是分明
莫見雙顰斂疑人含笑情

號州參軍龍門王勃字子安詩一十五首

聖泉宴

披襟乘石磴，列席俯春泉。
蘭氣薰山酌，松聲韻野弭。
影飄垂葉外，香度落花前。
興洽林塘晚，重巖起夕烟。

別薛華

送送多窮路，皇皇獨問津。
悲涼千里道，悽斷百年身。
心事事同漂泊，生涯其苦辛。
無論去與住，俱是夢中人。

游梵宇三覺寺

香閣披青磴，瑤臺控紫岑。
葉齊山路狹，花積野壇深。
蘿幌棲禪影，松門聽梵音。
遽忻陪妙躅，延賞滌煩襟。

麻平晚行